

曹颖甫曰：此公系同乡高长佑先生之友。予因治其妻神经病，始识之。盖其妻饮食如故，但终日歌唱，或达旦不寐。诊其脉滑疾，因用丁甘仁先生法，用猪心一枚剖开，内藏辰砂二钱，甘遂二钱，扎住，向炭炉煨枯，将甘遂、朱砂研成细末。一服而大下，下后安眠，不复歌唱矣。后以十全大补汤收膏调之，精神胜于未病时。附录之，以资谈助。

川桂枝钱半	白芍钱半	炙甘草钱半
生姜二片	红枣四枚	六神曲三钱
谷麦芽各三钱(炒)	赤茯苓三钱	

《大论》“太阴篇”云：“太阴病，脉浮者，可发汗，宜桂枝汤。”舒驰远疑本条有误，当以理中为主，内加桂枝云云。说似有见，然而理中加桂枝为偏里，桂枝汤为偏表，今脉浮表证重，故宜桂枝汤。况曰“宜”，而不曰“主之”，其宾主层次之分了然矣。